



Repetitio Clem. I. Ut Clericorum De Officio Ordinarii

Aufréri, Étienne

Leodii, 1702

19. Fallentia.

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

18. Augu. in parlamento Tholosæ dictum fuit, quod Dominus Philippus de Levis Archiepiscopus Anxitanus, ad instantiam Ottonis Castellani veniret in curiam cogniturus vel negaturus suam scedulam infra finem ejusdem mensis. Alias ex tunc scedula prædicta haberetur pro confessata, Deinde 7. Septembris dictum fuit, quod curia tenebat prædictam scedulam pro confessata, per quam ex causis in eadem contentis, idem Archiepiscopus eidem Castellano promiserat solvere summam mille scutorum auri. Et curia condemnavit ipsum ad garniendum manum in eadem curia de prædicta summa infra festum omnium Sanctorum.

19. Fallentia.

Decimo nono fallit, cum Laicus obligatus Clerico prætendit obligationem factam sine causa, vel debitum solutum, ob quod super ipsius obligationis inefficacia, vel instrumenti cancellariorum vult experiri *juxta l. dissolute & l. fin. C. de conditio. ex l.* nam in hujusmodi causa poterit Clericus coram judice seculari conveniri, licet hujusmodi conditio sit actio personalis, ut *insti. de actio. §. appellamus*: ita nihilominus de facto servatur in præsentis regno. Quod non videtur posse sustineri de jure per jur. in hujusmodi secunda reg. alleg. Cogitavi id fortè fieri eo quod communiter in hujusmodi instrumentis & obligationibus apponitur hypotheca, & obligatio ad vires & rigores sigillorum regionum. Igitur pro declaratione inefficiæ hu jus obligationis, vel ipsius cancellatione, curia secularis præsertim judices hujusmodi sigillorum adiri possunt

con-

contra quoscunque, etiam Clericos: quia ex quo sunt iudices contractus, etiam esse debent distractus. Nam distractus est eiusdem naturæ, cuius est contractus *l. de tutela. C. de integ. resti. mino. no. Bar. in l. Et ideo de conditio. jurti.* interest enim iudicis, ne prætextu talium obligationum sub umbra rigorum in eis appositorum, fiant illicitæ extortiones: ut *in l. illicitas in prin. ff. de offi. præst.* ubi tex. quod præses provinciæ providere debet, ut instrumenta simulata vel venditionum sine precii numeratione destruantur secundum Bal. *in l. præalle.* Et Parisiis in parlamento Anno Domini 1386. dictum fuit, quod Guillelmus, quæ piè Clericus solutus responderet in curia parlamenti super quodam contractu per ipsum inito; qui dicebatur fraudulentus, videlicet tam parti super executionis annulatione factæ ad sui requestam virtute litterarum obligationum sub sigillo castelleti passatarum super dicto contractu, quam procur. regio qui emendam requirebat; quia fraus dicebatur esse commissa in contento in litteris obligatoriis sub dicto sigillo.

20. Fallentia.

20 Vigesimo fallit, ubi Clericus obligat & vult compelli per curias temporales, & rigores sigillorum regionum cum hypothecatione bonorum, nam executio fieri poterit bonis patrimonialibus ipsius Clerici, & ita servatur, quamvis de iure Clericus taliter se non possit obligare, nec in iudicem Laicum, etiam de Episcopi consensu consentire, *cap. significasti. & cap.*